


Jacques Tuinder (1933-2011)



| Jacques in zijn werkkamer achter de braillemachine, tussen alle geschonken brillen. (Foto: Esther van der Linden / RM)

Jacques Tuinder estis impona bonfaranto en la batalo kontraŭ nenecesa blindeco en la mondo. Li estis praktikanta kristano sekvante **Jesuo**n kaj adepto de la okulisto d-ro L: **Zamenhof**, kreinto de **Esperanto**.

Memorigaj ligiloj kaj Evidente-komuniko komence de 2011 kompilita de **Siegfried Krüger**, DE, kiu estis longjara amiko de li kaj de la edzino Vera, kunlaborante en la **Kristana Esperantista Ligo Internacia** (KELI).

o o **Stichting Zienderogen / E-VID-E-NT-E**
o Henegouwenlaan 35, NL - 1966 RH Heemskerk
o Tel.0031 (0)251 231941. ING-bank 10.20.100
 E-mail: zienderogen@casema.nl; UEA: jajt-s

=====

Fondaĵo E-vid-e-nt-e jarfine transiros en aliajn manojn!

=====

H e e m s k e r k , januaro 2011.

Karaj geamikoj,

Homo dankema mi estas, ke kune kun edzino Vera, miaj gefiloj kaj genepoj mi elaste kaj esperplene transiris la sojlon al la nova jaro. Ĝus mi atingis la aĝon de 78 jaroj, el kiuj pli ol 44 mi plen-energie kaj sindediĉe klopodis batali kontraŭ nenecesa vidhandikapeco, kaj solidarece kaj amikece servi al homoj grandaj kaj malgrandaj kun okulproblemoj. Por tiuj kiuj interesiĝas pri statistiko: ĉiperiode ni laboris/laboras en 27 landoj!

En junio kaj julio de la pasinta jaro mi travivis periodon de serioza malsano; mi opiniis ke la ĉielo intencas voki min, sed ĝi 'evidente' ŝanĝis sian eble ne ĝustan decidon... Sed certas, ke iam sonos la lasta vokvoĉo.

Mi pripensis la tutan aferon kaj kreskis mem al la decido: jam venas la tempo por transdoni parton de miaj taskoj kaj devoj al alia(j). Jes, multo ŝanĝiĝos en la estonteco, ĉar neniu estrarano scipovas Esperanton kaj neniu majstras la brajlon. Provizore mi pritraktos tiujn aferojn. Ekzemple, mi antaŭ kelke da tagoj ricevis peton de samideano en Tanzanio, kiu aŭdis pri nia laboro en Afrikaj kaj aliaj landoj: 'venu ankaŭ al ni, en Mvanzo, kie promeneto 30-metra jam sufiĉas por renkonti homon kun vidhandikapo!' Mi korespondas kun esperantistoj en Novoĉerkasko (Rusio), kaj verŝajne ankaŭ tio kondukos al misio ĉijare. Ĉiam necesas oficiala invito flanke de Asocio de Nevidantoj aŭ Instituto por Infanoj Vidhandikapitaj, kaj tiam la korespondado povos kompreneble okazi en iu ajn t.n. 'moderna lingvo'. Mi atendas ankaŭ trian mision al Kaliningrado, kie mi estis en novembro pasinta kun okulisto kaj tri optikistoj. Mia espero ankaŭ flustras, ke ni povos aranĝi duan mision al Kongolando kun pli da okulistoj kaj optikistoj, pro tio ke terure granda en tiu lando estas manko de okulspecialistoj.

Karaj amikoj, mi tre esperas daŭrigi la brajlo-skriban korespondadon kun kelkdeko da blinduloj kaj surd-blinduloj, precipe en Esperanto. Mi intencas ankaŭ verkadi artikolojn por porblindulaj revuoj. Restas sufiĉe da taskoj, inter kiuj la sendado de (revendejaj kaj aliaj) bezonaĵoj al unuopuloj kaj institutoj en ekonomie malfortaj landoj.

La programo mencias, ke ni instalos Optikan Centron kaj en Ukrainio kaj en Maŭritanio. En minimume tri Afrikaj landoj (Kongo, Maroko, Maŭritanio) ni esperas esence helpi al porblindulaj lernejoj per plibonigo de 'la tegmento' (unualoke ankaŭ la 'internulejo') kaj plialtigo de instru-nivelo. Vere mi ĝojas pri helpantaj manoj de modesta rondo de samideanoj, kiuj ofte helpas al la realigo de niaj projektoj. La lastajn semajnojn ni ricevis apogon el Germanio, Nederlando, Pollando kaj Rusa Federacio. Koran dankon!

Nepre ni daŭrigu helpon al ĉiuj niaj finance adoptitaj infanoj en Kongo, Maŭritanio, Maroko kaj Rumanio.

Nu, mia espero estas granda ke la kelkdekpersona grupo da volontuloj, kiuj aktivas 'sur la kampo', liveros unu aŭ plurajn 'heroojn', kiuj transprenos mian centran motorfunkcion de iniciemo kaj kunordigado, monpetado kaj korespondado. Mi ĝojas ke ĉiam mi havis bonegan ligilon kun ĉirkaŭ 500 miaj helpantoj, ĉefe nederlandaj kaj ĉefe neesperantistaj.

Al vi ĉiuj mi sendas por la unua aŭ dua fojo novjarajn bondezirojn kaj elkorajn, dankoplenajn salutojn, ankaŭ nome de Vera kaj la estraro.

Ĉirkaŭbrakas vin, se vi pensas, kaj via koro

Eike, kiu ni ĉiujn rezidi en Poděbrady!

Plus kore, Vere Jaanus

[Dia Regno 3 2011](#)

[Dia Regno 4 2011](#)

[Ĉu Esperantistoj Esperigas Esperantojn?](#)

[MEMORE AL NIA KOLEGO JACQUES TUINDER DE LA REUZBUTIKO EN HEEMSKERK, NL](#)

[Nekrologo Libe, Rob Moerbeek](#)

[Nekrologo Angel Sotirov](#)

[Nekrologo de Carlo Sarandrea kaj ligilaro](#)

[Nekrologo Malanda, Afriko](#)

[Albanio honorigis Jacques T. 2006](#)

[Prezidintoj de IKUE](#)

[Jacques T. pri Agado E3 1967](#)

[Unua Ekumena Kongreso en Limburg \(DE\) 1968 kaj Jacques T. pri problemoj en la mondo.](#)

[Pri la demisio de Jacques T. kiel IKUE-prezidanto 1971](#)

[Manuel kaj Daminelli pri monkollekto por Evidente](#)

Kion Jacques Tuinder iniciatis per

Agado E3 kaj poste nomiĝis
Evidente nun daŭrigas sub la nomo
Stichting Zienderogen

Stichting Zienderogen
Dorpsstraat 137, NL - 1546 LH Jisp

ING Bank N.V. konto 1020100 Stichting Zienderogen,
IBAN/SEPA NL20INGB0001020100
BIC INGBNL2A

UEA-konto: vidi-x

Viaj donacoj estas bonvenaj

[Agado E3](#)

[Stichting Zienderogen](#)